

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 26 del 09/01/2026

De vrong kan konvenzionartn patronatn. S bart sai' der leiste bòlket vour as kimmp u'ganommen der "nai Groasprojekt"

Groasprojekt, va de zboa van genner de nain vrong ver de jorzaitòrbeter

[Mòcheno] Va de 2 van genner finz as de 16 van hourneng 2026, de òrbeter as no en gasetz hom s rècht barn meing vourstelln de vrog ver de jorzaitòrbetn van Groasprojekt.

S bart sai' der leiste bòlket ver za vourstelln de vrong pet de regln va iaz, vour as kimmp u'ganommen der "nai Groasprojekt", ver en beil de kandidaturtn barn meing kemmen vourstellt van earste to van prochet 2026, derno va de [reform as va kurza zait ist kemmen u'ganommen](#).

Ver za vourstelln de vrog miast men:

- sai' a'ne òrbet oder sai' sèlbstendegeòrbeter nèt inntschrim en de versicherung, as tschbinnen za kriang minder abia 4.800 euro bail en jor as men vourstellt de vrog;
- hom untterschrim a Dinstoa'nekait pet en Zentrum ver de Òrbet;
- inntschrim sai' ont lem en provinz va Trea't en de leistn vinf jor, oder va zeichen jor durch en lem benns en leiste jor, en moment as men vourstellt de vrog, ist men inntschrim ont men lep semm;
- hom nèt minder abia: 49 jor ver de baiber ont 53 ver de mander. Ver ber as hòt s gasetz 68/99, de baiber miasn hom nèt minder abia 44 jor ont de mander nèt minder abia 48 jor.

Ver za bissn mearer

Ver en Groasprojektjorzaitòrbetn, u'riaven der Dinst ver de Hilfòrbet ont gilt gem en de Umbèlt (SOVA) - Omt koordiniarung ont òrbetplòtz van u'stelltn:

Telefon: 0461 496168

Email: serv.sova@provincia.tn.it

Ibersetz gamòcht van Sprochtirl va de Tolgamoas'schòft Hoa Valzegu' ont Bersntol

(cdt)